

輿地廣記

卷之四

輿地廣記卷三十二

利州路

宋

歐

陽

志

撰

次府興元府春秋屬蜀戰國屬楚秦惠王立漢中郡二
漢因之高帝始封漢王都此建安中爲張魯所據改曰
漢寧曹公克魯復曰漢中蜀劉備破魏將夏侯妙才遂
有其地以爲重鎮漢中常爲巴蜀扞蔽故劉備初得漢
中曰曹公雖來無能爲也是以巴蜀有難漢中輒沒自
公孫述劉備李雄譙縱據蜀漢中皆爲所陷魏末平蜀

兼立梁州晉宋齊梁皆因之西魏亦立梁州晉立漢中郡後周末改郡曰漢川隋開皇初郡廢大業初州廢復置漢川郡唐武德元年曰梁州開元十三年改曰襄州二十年復故名天寶元年曰漢中郡後升山南西道貞元元年以德宗巡幸昇爲興元府皇朝因之今縣四次赤南鄭縣故周之附庸周時鄭桓公死於犬戎其子孫家于此因曰南鄭顯王之世蜀有其地至六國楚有其地其後益弱秦畧取焉自秦以來皆爲漢中郡項羽封漢高祖爲漢王蕭何曰天漢美名也遂都南

鄭大城周曰

原

城南憑北結環雉重墉漆井皆漢所

修築地沃

原

魏武克張魯方之雞肋謂蜀之無可用

而棄之爲可惜也厥後先主以魏延後主以蔣琬姜

維相繼守之魏末平蜀兼立梁州自晉以後皆因之

齊建武二年蕭懿爲刺史魏將元英率衆數萬通斜

谷圍南鄭懿拒守百餘日不拔而退梁天監三年刺

史夏侯道遷以地入魏大同元年魏刺史元羅復以

地入梁承聖二年尉遲迥平蜀乃入西魏焉後周末

改郡曰漢川隋唐因之後爲興元府朱梁時王建得

其地後唐克之又爲孟知祥所有周顯德中節度使張虔釗以地歸附有玉女山黃牛山中梁山仙臺山漢水有胡城漢張騫使匈奴與胡妻及堂邑父俱還漢中築城以居之晉義熙十五年城上有密雲五色昭章及曉城崩半許淪漢出銅鐘十二枚以爲宋室之瑞

次畿城固縣二漢屬漢中郡蜀改爲樂城晉復故及宋齊梁四魏後周皆屬漢中隋屬漢川郡唐屬梁州武德二年改曰唐固貞觀二年復故有通關山古曰通

關勢山高百餘丈下築匈奴城方五里濬塹三重漢王北定三秦蕭何相其形勢開此道以通關中故名爲通關勢有白馬山北山有黑水諸葛亮牋云朝發南鄭暮宿黑水謂此有韓信臺卽漢高祖築壇設九賓之禮以拜信爲大將

次畿褒城縣故褒國周幽王后褒姒生於此漢設都尉治褒中縣及東漢晉皆屬漢中郡隋開皇初曰褒內三年罷仁壽元年改曰褒城義寧二年復改褒中貞觀二年復曰褒城屬梁州漢陽平關在西北有石牛

山通道六丈有餘昔秦欲伐蜀患道路不通乃刻五石牛置金牛尾下詭言能糞金欲以給蜀蜀王發卒五千人使五丁力士拖牛引之成道秦因使張儀司馬錯以兵入蜀滅之卽此是也漢永平中司隸校尉犍爲楊原以石門是也有女郎山上有女郎冢及女郎廟俗言張魯女葬此有哀水西北出衙嶺山東南逕大石門歷故原諸葛亮死於五丈原魏延先退而焚之卽此哀水又東北徑交城又東南逕丙水口又東南歷小石門又東南歷哀斜谷南口又東南歷哀

城縣東又南入于漢水

次畿西縣本沔陽縣地二漢晉宋皆屬漢中郡後省元魏置嶓冢縣後周因之隋大業初改爲西縣屬漢川郡唐武德三年置袁州八年州廢來屬有沔陽故城在西漢蕭何所築劉備北定漢中卽漢王位於此有西樂故城在西南甚險固爲諸葛亮所築晉梁州刺史楊亮守之爲符堅所破後刺史姜維潘孟亦相仍居此城側有客裘溪引北濟入漢今謂之洛水有定軍山在東南曹公克漢水命夏侯淵守之劉備自陽

平關南渡沔水破斬淵於此諸葛亮將死遺令葬此

山下懸崖高隴唯深松茂柏攢蔚川阜莫知墓所在

山東地名高原缺廟蜀步兵校尉省隆等所表立也有

張魯城官西魯沛國原缺陵孫也行五斗米道劉焉以

為督義原缺住漢中因以名焉有濫水北發武都氏中

南逕城官又逕張魯治東而南流入沔謂之濫口張

魯治謂仙官所治也有仙山舊有張魯犒師堂今日

濫口化有百牢關

都督府利州春秋戰國為蜀地秦屬蜀郡三國時先主

分屬漢中郡晉孝武分立晉壽郡宋齊因之後魏立益

州世號小益州梁曰黎州西魏復曰益州又改曰利州

亦為晉壽郡隋大業初州廢為義城郡唐武德元年又

改為利州或為益昌郡屬知昭武軍節度後唐復改曰

益州皇朝景祐四年改寧武軍今縣四

中綿谷縣故葭萌縣本蜀王弟葭萌所封為苴侯邑史

記謂苴蜀相攻是也二漢屬廣漢郡劉備又曰漢壽

屬梓潼郡晉太康元年改曰晉壽太元十五年立晉

壽郡宋分置興安郡後復併焉而改晉壽曰興安後

魏兼立益州西魏曰興安隋開皇十八年改興安曰
綿谷唐因之有龍門山嘉陵江潛水綿谷

中葭萌縣漢舊縣地東晉安帝置晉安縣屬新昌郡宋
齊因之元魏為郡治焉隋開皇初郡廢十八年改晉
安為葭萌縣屬利州唐因之有嘉陵江

中下嘉川縣漢葭萌縣地宋置興樂郡原嘉川隋開皇

初郡廢屬利州唐武德原年州廢來屬故平蜀縣本

義城西魏置隋屬利州義寧二年改曰義清唐武德

七年置南平州貞觀二年州廢來屬景隆二年改曰

允山皇朝乾德三年改曰平蜀熙寧二年廢入嘉州
有石鷲山

中昭化縣漢葭萌縣地宋置益昌縣屬白水郡隋唐屬

梓潼郡皇朝開寶五年改為昭化白水鎮原郡晉屬

梓潼郡孝武分屬晉壽缺又曰平興置白水郡後改

縣原初郡廢復改縣為平興屬利原置原貞觀元年

州廢來屬寶原鎮原

望洋州春秋戰國為楚地秦屬漢中郡二漢晉宋齊梁
皆因之西魏後周並為洋州及洋川儻城二郡隋開皇

興地履言 卷三 二
初郡廢并其地屬漢川郡唐武德元年立洋州或爲洋川郡蜀爲武定軍節度皇朝景祐四年改武康軍今縣三

望興道縣漢城固縣地蜀以爲重鎮有興勢山後主時將軍王平守興勢魏將曹爽攻圍不克卽此地也魏正始中分置興縣及儻城郡隋初郡廢置興勢屬洋州後州廢屬漢中郡唐貞觀二十三年更名興道天寶十五載州自西鄉徙治壻水鎮因仙人唐公房之壻所居得名有漢水壻水北發聽山南流入漢有駱

谷路南口曰儻谷北口曰駱谷唐德宗僖宗幸興元皆出此

上西鄉縣漢城固縣地蜀置南鄉縣晉改南鄉爲西鄉宋齊梁俱屬漢中郡元魏改縣曰豐寧隋初郡廢屬洋州復西鄉後州廢屬漢川郡唐武德四年析置洋源縣寶歷元年省定遠城在南東漢班超封定遠侯卽此有雲亭山洋水源巴山東北流逕四鄉又東北流入漢漢原缺大人原缺生於原缺龍之名其川曰洋以表誕生之休洋原缺

中真符縣本華陽縣唐開元十八年析興道置天寶三
載省八載開清水谷路復置因鑿山得玉冊更名隸
京兆府十一載來屬故黃金縣漢安陽縣地後魏分
置因縣有黃金水故名黃金戍張魯所築南接漢川
北枕古道俗號為鐵城是也氏王楊難當令魏興太
守薛原陰平太守蕭坦攻拔之原皇朝乾德四年原
上閬州秦漢屬巴郡宋齊因之居蜀漢之半西魏平蜀
置崇州及盤龍郡後周因之隋開皇時置巴西郡唐武
德元年為隆州先天元年改為閬州天寶元年改郡乾

元元年復閬州後唐升保寧軍節度皇朝改德安軍屬
利州路今縣七

望闡中縣二漢屬巴西郡劉璋立巴西郡蜀將張飛曾守
是郡為其下張達范疆所害晉因之梁立北巴州西
魏置隆州及盤龍郡隋曰閬內縣唐曰閬中縣有閬
中山仙穴山嘉陵江

繁蒼溪縣晉置屬巴西郡後漢置漢昌縣隋改今名唐
屬閬州有雲臺山東江蒼溪

繁南部縣漢充國縣地屬巴西郡梁置南部郡後周閔帝

元年罷郡立南部縣屬盤龍郡隋開皇三年罷郡以縣屬閬州

繁新井縣漢充國縣地唐武德元年分南部普安二縣置縣界有鹽井因以得名有西水

中奉國縣本漢閬中縣地後分置白馬義陽二郡後魏恭帝二年廢義陽郡改為奉國縣屬白馬郡隋開皇三年罷郡以縣屬閬州武德七年屬西平州貞觀元年還屬隆州縣有岐坪鎮即岐坪廢縣地有奉國水中新政縣漢充國縣地唐武德四年割相如南部二縣

置新政縣有龍奔山嘉陵江

中下西水縣漢中縣地梁置掌夫城後周閔帝元年改西水縣有掌夫山西水

上劍州秦為蜀地漢屬廣漢郡晉以其地入梓潼郡宋齊因之梁立南梁州後改安州西魏改始州隋為普安郡唐武德元年復為始州先天二年始改為劍州天寶元年復為普安郡乾元元年復今名今縣六

中下普安縣漢梓潼縣地後置南安郡梁州梁改安州西魏改始州兼置普安郡唐武德三年復為始州後

改普安縣屬劔州

上梓潼縣漢舊縣屬廣漢郡蜀分置梓潼郡西魏改潼

川郡改縣為安壽隋大業三年復今名

中陰平縣本漢梓潼縣地晉流人入蜀於縣置北陰平

郡西魏定蜀後改陰平為龍安隋并為陰平縣屬始

州

中武連縣漢梓潼縣地宋置武都郡及下辨縣又改為

武功縣後魏改今名

中下首成縣漢梓潼縣地梁置梁安縣屬南梁州武帝

天和中改為黃安縣唐末復改今名

中下劔門縣漢梓潼縣地唐聖曆三年分普安永歸陰

平三縣地於方期驛城置劔門縣有大劔山小劔山

臣吳玉綸恭校

輿地廣記卷三十三

宋

歐

陽

恣

撰

夔州路

都督府夔州春秋為庸國之魚邑

原闕

唯裨僚魚人實

原闕

之

原闕

平六年分屬

原闕

所置備終諸葛亮受遺詔於此

原闕

中下巫山縣故楚之巫郡秦昭王伐楚取之以為縣屬

南郡一漢因之晉立建平郡宋齊梁西魏後周皆因

之隋開皇初郡廢屬信州曰巫山唐屬夔州有巫山

及高都山昔楚襄王遊高唐晝寢夢一婦人曰妾居
巫山之陽高邱之岵且爲朝雲暮爲行雨朝朝暮暮
陽臺之下覺而命宋玉賦之此其地也有大江
下黔州春秋爲巴地戰國楚威王使莊蹻將兵循江上
略巴縣中以西屬楚秦昭王伐楚取黔中以屬黔中郡
二漢屬武陵郡晉宋齊皆因之後不賓服後周武帝時
蠻帥以其地歸附初立奉州後改曰黔州不帶縣隋爲
黔安郡唐武德元年曰黔州天寶元年曰黔中郡蜀王
氏升武泰軍節度今縣二

中彭水縣漢酉陽縣地隋開皇十三年置以爲州治洪
杜寨本洪杜縣唐武德二年析彭水置皇朝嘉祐八
年省洋水鎮本洋水縣唐武德二年析彭水置曰盈
隆先天元年曰盈川天寶元年更今名皇朝嘉祐八
年爲鎮信寧鎮本信安縣隋置唐武德二年更名屬
義州貞觀十一年來屬皇朝嘉祐八年省都濡鎮本
都濡縣唐貞觀二十年析盈隆置皇朝嘉祐八年省
有三嵒山洪杜山伏牛山巴江洪水

中黔江縣本石城唐武德元年析彭水縣置天寶元年

更名有羽人山河蓬水

上達州春秋戰國爲巴地秦二漢屬巴郡建安中分屬巴西郡蜀晉因之宋立巴東郡晉因之梁立萬州以萬頃池爲名及改郡爲東關西魏改名曰通州後周因之開皇初郡廢大業初州廢立通川郡唐武德元年曰通州天寶元年曰通川郡蜀王氏孟氏因之皇朝乾德三年更名今縣五年

中通川縣本宕渠縣地東漢置宣漢縣屬巴郡蜀劉氏分屬宕渠郡晉省之屬巴西宋復置及立巴渠郡梁

置石城縣立萬州及東關郡西魏曰通州隋改石城縣曰通川置通川郡唐因之皇朝爲達州有鳳凰山有巴江渠江合於縣東南

中巴渠縣宋巴渠縣地唐永泰元年析石鼓置大和三
年屬開州四年來屬有鹿子山渠江

下永睦縣本永康梁置又有南榮郡隋開皇初郡廢屬
巴州十八年縣更名唐武德二年立萬州貞觀元年
州廢來屬有龍驤山巴江

下新寧縣唐武德二年析通川置大和三年屬開州後

復來屬有濁水山新寧溪故閩英縣唐天寶九載置
皇朝乾德五年省入石鼓縣西魏置及亡遷州後周
廢州立臨清郡隋開皇初郡廢屬通州唐寶歷元年
省大中元年復置故三岡縣梁置屬新安郡西魏改
郡曰新寧隋開皇初郡廢屬通州唐寶歷元年省大
中五年復皇朝熙寧六年省三岡七年省石鼓分屬
通州永睦新寧

下東鄉縣本宋下蒲縣地屬巴渠郡後改爲東鄉西魏
立石州後周廢州立三巴郡隋開皇初郡廢屬通州

唐武德三年立南石州又置下蒲縣八年州廢省下
蒲縣入焉故宣漢縣本宋東關縣地屬巴渠郡後改
爲宣溪西魏立并州及永昌郡隋開皇三年郡廢五
年州廢屬通州唐武德元年立南并州及置東關縣
貞觀元年州廢省東關以宣漢來屬皇朝乾德五年
省入東鄉有下蒲江

通明院本唐宣漢縣地僞蜀置通明院以催科稅賦皇
朝因之有宣漢鹽井地名長腰鹹源在大江龍骨石
窟中涌出

中下施州春秋爲巴地戰國屬楚秦二漢屬南郡吳晉
宋齊梁屬建平郡後周立施業二州及清江軍屯二郡
隋開皇初郡廢大業初州廢爲清江郡義寧二年復施
業二州唐貞觀八年廢業州併焉天寶元年曰清化郡
後復故二蜀因之今縣二

中下清江縣漢巫縣地屬南郡吳置沙渠縣屬建平郡
晉因之後省後周立施州及清江郡隋開皇初郡廢
五年置清江縣大業初州廢屬清江郡義寧二年立
施州爲州治焉有施王屯餘址故以爲名有連珠山

夷水以其水色清照十丈分沙故曰清江水出縣西
東至宜都入大江

中下建始縣後周立業州及軍屯郡隋開皇初郡廢五
年置建始縣大業初州廢屬清江郡義寧二年立業
州貞觀八年州廢來屬有連天山建始溪

下忠州春秋戰國爲巴地秦屬巴郡二漢蜀晉宋齊皆
因之梁立臨江郡後周兼立臨州隋開皇初郡廢大業
初州廢屬巴東郡義寧二年復立臨州唐貞觀八年改
曰忠州天寶元年曰南賓郡前蜀後蜀因之今縣四

中下臨江縣漢以後屬巴郡梁立臨江郡後周立臨州
唐曰忠州有屏風山大江

中下墊江縣西魏析臨江置及立容川容山二郡後周
改縣曰魏安隋開皇初郡廢屬渠州十八年復故名

唐武德元年屬潯州八年來屬故桂溪縣本清水唐
武德二年析臨江置天寶元年更名皇朝熙寧五年

省入

下豐都縣本平都故巴子之別都也漢枳縣地隋義寧
二年析臨江復置屬臨州唐屬忠州有平都山大江

下南賓縣唐武德二年析武寧置有望塗溪南賓縣距
司州東南一百八十里本夔州龍渠鎮皇朝乾德六
年來屬開寶二年置尉司

下萬州春秋戰國為巴地秦二漢屬巴郡建安中分屬
巴東郡晉宋齊皆因之後周立安鄉南都二郡兼立南
州後改安鄉曰萬州南都曰懷德隋州郡並廢屬巴東
郡唐武德二年立南浦州八年州廢屬夔州九年復立
曰浦州貞觀八年曰萬州天寶元年曰南浦郡前蜀後
蜀因之今縣二

中下南浦縣本羊渠蜀建興八年更名屬巴東郡晉宋齊因之後周立安鄉郡後改郡曰萬川縣曰安鄉隋開皇初郡廢十八年改縣曰南浦屬巴東郡唐武德二年立南浦州八年州廢屬夔州九年復爲萬州治焉有高粱山大江

下武寧縣本漢臨江縣地後周置源陽縣及立南州南都後改郡曰懷德縣曰武寧隋屬巴東郡唐武德二年屬南浦州八年州廢屬臨州九年復來屬有木歷山大江

下開州春秋戰國爲巴地秦二漢屬巴郡晉宋齊梁屬巴東郡西魏置開州及萬安江會二郡後周置周安萬世二郡省江會入周安隋開皇初郡並廢大業初州廢分屬通州巴東二郡義寧二年析置萬世郡唐武德元年曰開州天寶元年曰盛山郡前蜀後蜀因之今縣二上開江縣本漢豐朱置屬巴東郡西魏改曰永寧隋開皇末改曰盛山屬巴東郡唐立開州廣德元年縣更名故西流縣本後魏置漢興縣西魏更名立開州及萬安江會二郡後周廢江會入周安隋開皇初萬安

郡廢大業初州廢屬通川郡義寧二年來屬唐貞觀
元年省入故新浦縣宋置屬巴東郡後周立周安郡
隋開皇初郡廢屬巴東義寧二年來屬唐因之皇朝
慶歷四年省入有盛山疊江
中清水縣本萬世後周置及立萬安郡隋開皇初郡廢
屬通川郡義寧二年來屬唐貞觀二十三年更名萬
歲寶歷元年省尋復皇朝改曰清水有石門山清水
東南五里有靈洞唐貞元九年雷雨震開
下涪州春秋戰國爲巴地秦二漢屬巴郡建安二十一

年蜀分立涪陵郡晉因之後廢而復立隋開皇初又廢
屬渝州唐武德元年析置涪州天寶元年曰涪陵郡前
蜀後蜀因之今縣三

下涪陵縣漢舊縣東漢及晉因之後改曰漢平置涪陵
郡隋開皇初郡廢屬渝州十八年改曰涪陵後廢爲
鎮唐武德元年以鎮立涪州二年置涪陵縣温山鎮
本温山縣唐置屬南潯州後來屬皇朝熙寧三年省
入有雞鳴峽山大江黃石灘一名橫石東漢岑彭破
公孫述將侯丹于黃石卽此內江卽黔江也南通黔

中昔秦使司馬錯泝此水南上擊奪楚黔中地
下樂溫縣唐武德二年析巴縣置屬南潯州又析巴縣
涪陵置永安縣九年樂溫來屬開元二十一年省永
安入焉有樂溫山

下武龍縣唐武德二年置有武龍山

下恭州古巴子之都戰國爲秦所併立巴郡二漢因之
初平六年分巴爲二郡以江州爲永寧郡建安六年復
爲巴郡蜀晉宋齊因之梁兼立楚州西魏後周因之隋
開皇初郡廢改州曰渝州大業初州廢爲巴郡唐武德

元年曰渝州天寶元年曰南平郡蜀王氏孟氏因之皇
朝崇寧元年更名今縣三

中巴縣本江州古巴國地周武王封同姓爲巴子七國
時與周俱稱王秦惠王既滅蜀國因使張儀虜巴王
而取其地以立巴郡二漢因之建安中劉璋使嚴顏
爲太守張飛攻陷之蜀以後皆爲巴郡而改江州爲
巴縣梁曰楚州隋唐曰渝州皇朝曰恭州有縉雲山
明月峽大江

中下江津縣本漢江州地後既改江州爲巴縣乃於此

別置江州西魏改曰江陽立七門郡隋開皇初郡廢屬渝州十八年曰江津唐因之故萬壽縣本萬春唐武德三年析江津置五年更名皇朝乾德三年省故南平縣唐置屬霸州貞觀十三年州廢來屬皇朝雍熙五年省入江津

下壁山縣唐至德二載析巴江津萬壽置有重壁山油溪

下珍州古蠻夷之地二漢晉隋屬牂牁郡唐屬珍州元和三年州廢屬濠州後復屬西高山唐衰棄之皇朝大

觀一年大駱解上下族帥駱世華駱文貴等獻地東西四百五里南北三百五十一里以立珍州亦曰樂源郡今縣一

中樂源縣唐貞觀十六年置屬珍州後廢皇朝大觀二年立珍州復置樂源爲州治焉

下承州春秋戰國及秦爲蠻夷地二漢晉屬牂牁郡遠代恃險不聞臣服隋煬帝時屬明陽郡兼屬黔安唐武德四年立夷州貞觀元年州廢四年復置天寶元年曰義泉郡唐衰棄之皇朝大觀三年蘇平帥任漢崇等獻

地東西三百五十九里南北六百六十五里改爲承州
今縣五

中下綏陽縣隋末置屬明陽郡唐武德二年屬義州貞
觀十一年來屬而自都上徙州治焉有綏陽山

中下都上縣唐武德元年析彭水置屬黔州貞觀四年
立夷州十一年州徙治綏陽

中下義泉縣隋末置屬明陽郡唐武德二年屬義州五
年屬智州貞觀十一年屬牢州州自信安徙治焉十
六年州廢來屬

中下洋川縣唐武德二年置屬義州貞觀十六年州廢
來屬

中下寧夷縣隋末置唐初屬思州武德四年立夷州貞
觀元年州廢屬務州開元二十五年來屬自都上以
下四縣故基荒廢不可考驗皇朝收復但據夷人所
指以置縣然原其始析置移屬則都上當近黔州寧
夷當近思州也

下溱州古蠻夷地自漢至隋屬牂牁郡唐貞觀十六年
開山洞立溱州天寶元年曰溱溪郡唐衰棄之皇朝熙

寧七年招收置榮懿寨屬南平軍崇寧中復立溱州舊縣二

中榮懿縣唐貞觀十六年置爲州治後廢皇朝以爲榮懿寨隸南川縣唐又置樂末縣咸亨元年省中下扶歡縣唐貞觀十六年置

梁山軍皇朝開寶三年以石氏屯田務立軍今縣一甲下梁山縣西魏析胸臆置隋屬巴東郡唐武德三年屬南浦州八年州廢屬夔州是年復立浦州又來屬後改爲萬州皇朝開寶三年立軍以爲治焉有栢枝

山高梁水紵溪

同下州南平軍春秋戰國爲巴地秦屬巴郡二漢晉宋齊因之後爲蠻夷所據唐武德二年開南蠻立南州二年改曰夔州四年復曰南州天寶元年曰南川郡唐衰棄之皇朝熙寧七年招收西南蕃部立南平軍今縣二中下南川縣水隆陽唐武德二年置爲南州治先天元年更名唐末廢皇朝皇祐五年復置屬渝州熙寧七年以縣之銅佛坦立南平軍而省南川爲鎮入隆化元豐元年復置有松山得勝山七渡水

中隆化縣唐貞觀十一年置屬涪州先天元年改爲賓
化後復故名皇朝熙寧七年來屬有永隆山羅緣溪
雙溪胡陽溪

同下州遵義軍歷代地理與播州同皇朝大觀二年番
帥楊文貴獻地東西二百二十二里南北六百一十二
里置遵義軍今縣一

中下遵義縣漢且蘭縣地屬牂牁郡唐貞觀元年析牂
牁置屬邛州十一年州廢縣亦省十三年復立播州
亦復置縣十四年更名羅蒙十六年更名遵義後自

播州徙州治焉唐哀播州爲楊氏兩族所分據一居
播州一居遵義以仁江水爲界其後居播州者曰光
榮得唐所給州銅牌居遵義者曰文貴得州銅印皇
朝大觀二年兩族各獻其地皆自以爲播州議者以
光榮爲族長重違其意乃以播州立州遵義立軍焉
同下州大寧監自五代以前地理與夔州同皇朝開寶
六年立監今縣一

中下大昌縣本泰昌晉太康初分秭歸置屬建平郡宋
齊因之後周避文帝名改曰建昌而立永昌郡尋廢

又改縣曰大昌隋屬巴東郡唐屬夔州皇朝以縣之
鹽泉所置大寧監端拱元年來屬爲監治焉故比井
縣晉屬建平郡宋齊梁因之後周省入有巫溪鹹泉
夔州路化外州

下費州古蠻夷地二漢晉宋屬牂牁郡山川險阻爲俚
獠所居多不賓附至後周始置爲費州以費水爲名後
廢隋屬黔安郡唐武德初屬思州貞觀四年立費州天
寶元年曰涪州郡領縣四

中下涪川縣隋開皇五年置屬黔安郡後廢唐武德四
年析務州置屬思州貞觀四年立費州爲州治
中下扶陽縣隋仁壽四年置屬巴東郡唐武德四年屬
思州貞觀四年來屬

中下多田縣唐武德四年置屬思州貞觀八年來屬
中下城樂縣唐武德四年置屬思州貞觀八年來屬
下西高州春秋爲蠻夷地戰國秦漢爲夜郎國元鼎六
年開夜郎屬牂牁郡東漢蜀晉宋因之其後不屬唐貞
觀十六年開山洞立珍州天寶元年曰夜郎郡元和三
年州廢屬溱州後復立西高州領縣四內樂源縣先歸

附別立珍州

中下夜郎縣本漢夜郎國有豚水東南至廣鬱合鬱水
又東南至番禺城下入海所謂牂牁江也武帝伐南
越唐蒙言夜郎精兵可得十萬浮船牂牁出不意此
制越一奇也上乃使蒙從巴符關入見夜郎侯約爲
置吏及以爲犍爲郡後且蘭反殺犍爲太守漢滅且
蘭立牂牁郡而犍爲郡徙治犍道焉夜郎侯入朝上
以爲夜郎王至成帝時夜郎王興與鈞町漏臥更舉
兵相攻牂牁太守陳立諭告興不從命立出行縣至

興國且同亭召興入見立數責因斬之以其地爲縣
屬牂牁郡東漢以後因之後廢唐貞觀十六年開山
洞置夜郎縣爲珍州治李白流夜郎卽此元和三年
州廢屬溱州後復立曰西高州

中下麗高縣或作麗臯唐貞觀十六年置
中下榮德縣唐末置

兼立閩州後改曰豐州隋平陳郡廢改州曰泉州大業
初州廢立建安郡唐武德六年曰泉州景雲二年曰閩
州開元十三年改今名天寶元年曰長樂郡後升威武
軍節度唐末爲閩王氏所據石晉時入吳越後周改彰
武軍皇朝太平興國二年復曰威武軍今縣十二

望閩縣漢封閩越王無諸都此後隸冶縣屬會稽郡東
漢爲侯官都尉吳屬建安郡晉太康三年分立晉安
郡及置原豐縣以爲郡治宋齊因之後省入東侯官
隋開皇九年郡廢改縣曰原豐十二年更今名大業

初置建安郡唐曰泉州又曰閩州又曰福德有九仙
山福山金崎山

望侯官縣東漢置侯官都尉晉曰侯官縣屬晉安郡宋
齊因之後曰東侯官而省原豐入焉隋開皇九年改
東侯官曰原豐唐武德六年復置與閩縣分治郭下
八年省長安二年析閩復置元和三年省五年復置
有閩山螺江昔閩人謝端鈞得異螺因名之有侯官
浦

望福清縣本禺安唐聖歷二年析長樂置天寶元年改

爲福清唐朱梁改爲永昌後唐同光初復故名晉天福初改爲南臺後復故後更今名有練門江

望懷安縣皇朝太平興國二年析閩置有方洪塘江望長溪縣唐武德六年置尋省入連江長安二年復置有仙遊山白水江

望連江縣本溫麻晉太康四年以溫麻船屯置縣屬晉安郡宋因之後省唐武德六年析閩地置尋更名有

材塘唐貞觀元年築

望古田縣唐永泰二年析侯官尤溪置有石塘山古田

口

緊長樂縣本新寧唐武德六年析閩置尋更名有海壇山濱江

緊永福縣本永泰唐咸通二年析連江及閩置皇朝崇寧元年更有高蓋山

中閩清縣朱梁乾化元年王審知於梅溪場置有竹山鍾湖

中羅源縣本永正自五代置皇朝開寶五年改爲永昌乾興元年改今名有四明山

中寧德縣五代置有大海

上建州春秋爲七閩地戰國爲越人所居秦屬閩中郡
二漢屬會稽郡吳永安三年分置建安郡晉宋齊梁因
之陳屬閩州後屬豐州隋平陳郡廢屬泉州大業初州
廢屬建安郡唐武德四年立建州夫寶元年曰建安郡
唐末爲閩王氏所有升鎮武軍節度石晉時入南唐改
永安軍又改忠義軍後降軍事皇朝端拱元年升建寧
軍今縣七

望建安縣蓋越王句踐冶鑄之所漢誅閩越徙其民以

空其地有遁逃山谷者後頗出焉乃立爲冶縣屬會
稽郡東漢分治地爲會稽東南二部都尉東部台州
是也南部今縣是也吳置建安縣以爲郡治晉以後
因之隋廢郡屬泉州州廢屬建安郡唐立建州有白
鶴山茶山建安水東溪

望甌寧縣皇朝治平三年析建安建陽浦城置與建安
分治郭下熙寧三年省元祐四年復置

望建陽縣晉太康中置屬建安郡宋以後因之後省唐
武德四年復置八年省入建安垂拱三年復置有淳

石山建陽溪

望浦城縣漢末置漢興縣吳改曰吳興屬建安郡晉宋因之後省隋末復置唐武德四年改爲唐興後省入建安載初元年復置天授二年曰武寧神龍元年復曰唐興天寶元年更今名有孤山大湖山

望崇安縣皇朝淳化五年升崇安場爲縣有武夷山

緊開隸縣皇朝咸平五年升開隸鎮爲縣有洞宮山

上松溪縣五代時置有松溪

上泉州春秋爲七閩地戰國爲越人所居秦屬閩中郡

漢屬閩越國後及東漢屬會稽郡吳屬建安郡晉屬晉安郡宋齊因之後置南安郡隋平陳郡廢屬泉州唐初亦屬焉聖歷二年立武榮州三年廢久視元年復置景雲二年更名天寶元年曰清源郡唐末爲閩王氏所有石晉時附於南唐升清源軍節度皇朝太平興國三年改平海軍今縣七

上晉江縣唐開元八年析南安置而自南安徙州治此

有泉山晉江

中南安縣吳置東安縣晉改曰晉安屬晉安郡宋以後

因之後置南安郡隋平陳郡廢改縣曰南安屬泉州
唐武德五年置豐州貞觀元年州廢屬泉州聖曆二
年立武榮州後改爲泉州而徙治晉江有金雞山晉
水

中國安縣晉屬晉安郡後省五代復置

中惠安縣皇朝淳化五年析晉江置有錦田山洛陽江

中永春縣五代置有石鼓山

下清溪縣五代置有廬山溪水

下德化縣五代置有靈馨山

上南劍州春秋爲七閩地戰國爲越人所居秦屬閩中

郡漢屬閩越國後及東漢屬會稽郡吳屬建安郡晉宋

齊梁陳因之隋屬泉州唐屬建福汀三州南唐李景立

劍州亦曰劍浦郡皇朝太平興國四年爲南劍州今縣

五

緊劍浦縣本延平晉屬建安郡後省五代直及劍浦縣

南唐立建州初治延平後徙劍浦而延安省入有延

平津晉張華雷煥所佩龍泉太阿二寶劍後躍入水

化爲二龍卽此津也

上將樂縣晉宋屬建安郡後首唐武德五年析邵武復置撫州七年省垂拱四年析邵武及故綏城地復置屬建州元和三年省五年復置皇朝太平興國四年來屬

上左溪縣唐開元二十九年開山洞置屬福州南唐時來屬

中沙縣宋曰沙村縣屬建安郡後省唐武德四年置沙縣屬建州後省入建安永徽六年復置大業十二年屬汀州

下順昌縣南唐置

下汀州春秋為七閩地戰國為越人所居秦屬閩中郡

漢屬閩越國後及東漢屬會稽郡吳屬建安郡晉宋以後屬晉安郡隋屬泉州唐開元二十四年開福撫二州

山洞置汀州天寶元年曰臨汀郡唐末為閩王氏所有

石晉時附南唐後改南州皇朝乾德四年復故名今縣

五

望長汀縣本晉新羅縣地屬晉安郡唐開元二十四年

開山洞置治新羅大曆四年徙治白石皆長汀縣地

有靈蛇山鄞江溪
望寧化縣唐開元二十四年開山洞置有鐵石山黃連洞

上上杭縣本長汀縣之止杭場皇朝淳化五年升為縣有香嶺山鍾岳

上武平縣本長汀縣之武平場皇朝淳化五年升為縣有靈洞山

中下清流縣皇朝元符元年析長汀寧化置

下漳州春秋七閩地戰國為越人所居秦屬閩中郡漢

屬閩越國後及東漢屬會稽郡吳屬建安郡晉宋以後屬晉安郡隋屬泉州唐垂拱二年析福州西南境置天

寶元年曰漳浦郡唐末為閩王氏所有石晉時入南唐今縣四

望龍溪縣梁置屬南安郡隋唐屬泉州聖歷二年屬武

榮州開元二十九年來屬乾元二年州自李澳川徙治焉有九龍山

望漳浦縣唐垂拱二年置為州治開元四年徙治李澳川故懷恩縣與漳浦同置二十九年省入有九侯山

李澳溪

望龍巖縣唐開元二十四年置屬汀州大歷十二年來屬

望長泰縣五代置屬泉州皇朝太平興國五年來屬有鼓鳴山

同下州邵武軍歷代地理與建州同皇朝太平興國五年立邵武軍今縣四年

望邵武縣本昭武吳置屬建安郡晉武帝更名宋齊因之後省隋開皇十二年復置屬撫州唐武德四年析

置綏城縣屬建州七年邵武亦屬貞觀三年省綏城入焉皇朝太平興國五年立軍有飛猿嶺邵武溪

望光澤縣皇朝太平興國六年析邵武置有烏君山烏嶺

望泰寧縣本歸化南唐置屬建州皇朝太平興國五年來屬元祐元年更名有梅溪

望建寧縣本歸化南唐置屬建州皇朝太平興國五年來屬有百丈山三溪

同下州興化軍歷代地理與泉州同皇朝太平興國四

年立興化軍今縣三

望莆田縣隋開皇中屬泉州尋省入南安唐武德五年
析南安復置皇朝以縣之游洋百丈二鎮地立太平
軍尋改興化有壺公山昔有人隱於此遇一老翁引
至絕頂見宮闕臺殿云此壺中日月也

望仙遊縣本清源唐聖歷二年析莆田置屬泉州天寶
元年更名皇朝太平興國四年來屬有九仙山大目

溪

中興化縣皇朝太平興國四年析莆田置有百丈溪

輿地廣記卷三十五

宋 歐陽忞 撰

廣南東路

中都督府廣州古蠻夷之地春秋戰國為百越在禹貢
職方州域之外秦并天下畧定陽越立南海郡秦滅南
海尉趙佗自立為南越武王漢高帝因立佗為南越王
元鼎中相呂嘉王建德反武帝興兵滅之及東漢以後
皆為南海郡建安十五年建立交州吳永安六年分立
廣州晉宋齊梁陳因之隋平陳郡廢仁壽元年曰番州

大業初州廢復立南海郡唐武德四年平蕭銑遂立廣州天寶元年曰南海郡後建清海軍節度五代爲南海劉氏所據皇朝開寶四年收復今縣七

望南海縣本秦番禺縣地爲南海郡二世時南海尉任囂召龍川令趙佗謂曰番禺負山險阻南北東西數千里此亦一州之主可爲國佗後遂自立爲南越武王漢末立交州牧吳立廣州後改番禺爲南海縣隋曰番禺唐曰廣州皇朝開寶五年省咸寧常康二縣入焉有羅浮山

上番禺縣秦漢舊縣後改爲南海隋平陳分南海置尋省入後復置與南海分治郭下有番禺山尉佗葬於此

中清遠縣漢中宿縣地屬南海郡晉宋屬始興郡後立清遠郡隋平陳郡廢置清遠縣屬廣州唐因之

中增城縣漢番禺縣地吳置及晉屬南海郡成帝分立東官郡宋以後因之隋平陳郡廢屬廣州唐因之有猊山增水

中懷集縣漢四會縣地晉置懷化縣後改爲懷集屬新

會郡隋省之後復置屬廣州唐武德五年立威州并
置興平霍清威成三縣貞觀元年州廢省三縣入懷
集屬南綏州十三年州廢來屬開元二年省永固縣
入焉故游水縣本漢封陽縣地屬蒼梧郡齊置游安
縣隋省之唐復置屬廣州至德二載改今名皇朝開
寶五年省入有寶山縱連溪

中下東莞縣隋曰寶安唐至德二載更今名皇朝開寶
五年省入增城六年復置有寶山

下新會縣漢番禺縣地晉恭帝立新會郡及置新會縣

宋以後因之隋平陳郡廢後爲封州後又改爲允州
後又改爲岡州以地有金岡名之大業初州廢屬南
海郡唐武德四年復立岡州並析置封平封樂二縣
貞觀十三年州廢省封平封樂是年復立岡州開元
二十三年州廢以新會來屬有利山

中韶州春秋爲百越地戰國屬楚秦屬南海郡二漢屬
桂陽郡吳甘露元年分立始興郡晉因之宋改曰廣興
郡齊復曰始興梁陳因之隋平陳郡廢屬廣州唐武德
四年平蕭銑立番州尋改爲東衡州貞觀元年更今名

天寶元年曰始興郡唐爲盧光潤所據後入南漢今縣
五

望曲江縣二漢屬桂陽郡吳屬始興郡晉宋以後爲郡
治焉隋屬南海郡唐立番州改曰東衡州又改曰韶
州有錢石山玉山曲江桂水有韶石高百仞廣圓五
里兩石對峙相去一里小大略等似雙闕州取名焉
望翁源縣梁置陳又立清遠郡隋廢屬廣州後省唐武
德五年復置屬涯州貞觀元年來屬有靈池山翁水
中樂昌縣漢曲江縣地梁置梁化縣又分置平石縣隋

開皇十二年省平石入梁化屬廣州十八年更名唐
武德四年來屬有昌山武溪溪自臨武東南流入曲
江界巖崖峻咀湍浪震驚名曰瀧水韓愈詩南行踰
六旬始下樂昌瀧險惡不可狀舡石相舂撞是也
中仁化縣唐垂拱中析曲江置屬廣州後來屬皇朝開
寶五年省入樂昌咸平三年復置有白星山潼溪五
渡水

中建福縣皇朝崇寧元年以岑水場析曲江翁源置
下循州古百越之地秦屬南海郡二漢吳晉因之宋分

屬南海東官二郡齊因之隋平陳屬循州大業初州廢屬龍川郡唐武德五年屬循州南漢改循州爲貞州而析州之北境又立循州於此皇朝因之今縣三

望龍川縣秦屬南海郡二世時趙佗爲令於此二漢晉

因之宋以後屬東官郡隋屬循州開皇十一年省入

河源南漢復置以爲循州治焉有龍川江豐湖

望興寧縣漢龍川縣地後置興寧隋屬龍川郡唐屬循

州貞觀元年省齊昌縣入焉有揭陽山興寧江

上長樂縣皇朝熙寧四年置有宣黃山熱水

下潮州春秋爲七閩地戰國爲越人所居秦屬南海郡

漢屬南越後及東漢屬南海隋屬東官郡安帝分立義

安郡宋齊以後因之梁立揚州改曰瀛州及陳時州廢

隋平陳郡廢立潮州大業初州廢復爲義安郡唐武德

五年曰潮州天寶元年曰潮陽郡五代爲南漢所有今

縣二

望海陽縣漢揭陽縣地屬南海郡東越王餘善請以卒

八千擊南越立石揭陽以海風波爲解卽此地也後

置海陽縣爲義安郡治隋唐曰潮州有鳳凰山惡溪

溪有鱮魚爲害刺史韓愈爲文以祭之是夕大風雨
鱮魚南徙自此無患

緊湖陽縣陳以前屬義安郡隋唐屬潮州有曾山

下連州春秋爲百越戰國屬楚秦屬長沙郡二漢屬桂

陽郡吳晉屬始興郡宋明帝立宋安郡後廢屬廣興郡

齊復屬始興郡梁立陽山郡隋平陳郡廢置建州大業

初州廢置熙平郡唐武德四年蕭銑立連州天寶元年

曰連山郡唐末爲楚馬氏所有後入南漢今縣三

望桂陽縣二漢屬桂陽郡所謂小桂也唐曰連州有金

銀山桂陽山湟水漢討南越伏波將軍路博德出桂

陽下湟水是也一名滙水一名漚水有海陽湖正女

峽相傳昔有女子取螺遇風雨晝晦化爲石

中陽山縣漢屬桂陽郡東漢改曰陰山吳省之晉復置

陽山屬始興郡宋屬廣興郡梁屬陽山郡隋屬熙平

郡唐屬連州有陽巖山茂溪水

中連山縣晉武帝分桂陽立廣惠縣梁改曰廣德隋改

曰廣澤屬連州仁壽元年更今名唐因之有銅山滑

水

輿地廣記 卷三
下封州古百越地秦屬南海郡二漢屬蒼梧郡晉屬晉
康郡宋齊因之梁分立梁信郡兼立城州隋平陳郡廢
改州曰封州大業初州廢屬蒼梧郡唐武德四年平蕭
銑立封州天寶元年曰臨封郡五代為南漢所有今縣
二

下封川縣二漢廣信縣地屬蒼梧郡晉屬晉康郡梁為
梁信郡治焉隋唐曰封州隋大業初省封興縣入封
州唐武德四年復置後省

下開建縣漢封陽縣地屬蒼梧郡宋文帝分置開建縣
以縣立宋建郡大明元年郡廢屬臨慶國梁立南靜
郡隋平陳郡廢屬連州後省唐武德四年復置來屬
有忠讜山封溪水

下端州古百越地秦屬南海郡二漢吳晉屬蒼梧郡宋
齊屬南海陳立高要郡隋平陳郡廢立端州大業初州
廢立信安郡唐武德元年曰端州天寶元年曰高要郡
五代為南漢所有皇朝建中靖國元年升興慶軍節度
今縣二

中高要縣二漢晉屬蒼梧郡宋齊屬南海郡陳立高要

郡隋立端州又曰信安郡唐曰端州貞觀十三年省博林入焉故平興縣唐武德中析置清泰縣貞觀十三年省入平興皇朝開寶五年省平興入高要有爛柯山端溪西江鵠奔亭漢交趾刺史何敞行部半夜有婦人訴寃自謂廣信蘇施妻名始珠敞命掘之有雙鵠奔其處

下四會縣二漢吳晉屬南海郡隋屬廣州大業初省始昌縣入焉唐武德五年立南綏州貞觀八年更名滇州十三年州廢屬廣州皇朝熙寧六年來屬有鷄籠

山滑水

下新州古百越之地秦屬南海郡二漢屬合浦郡晉屬蒼梧郡穆帝分立新寧郡宋齊因之梁立新州隋平陳郡廢大業初州廢屬信安郡唐武德二年平蕭銑立新州天寶元年曰新昌郡後改曰新興五代爲南漢所有今縣一

中新興縣二漢臨光縣地屬合浦郡晉置新寧縣屬蒼梧郡穆帝分立新寧郡後改曰新興梁改新州隋因之大業初省索盧入焉唐武德二年析置索盧新昌

單牒永順四縣後省新昌單牒乾元後又省索盧皇
朝開寶五年省永順皆入焉信安鎮本義寧縣宋置
屬新會郡隋屬廣州開皇十年省新夷初賓二縣入
義寧省始康縣入封平大業初省封平入焉唐屬廣
州皇朝太平興國元年改曰信安熙寧五年省入新
興元祐元年復置紹聖二年又省有天露山利山新
江封水

望康州古百越地秦屬南海郡二漢吳晉屬蒼梧郡穆
帝分立晉康郡宋以後因之梁又立開陽平原羅陽等

郡隋平陳郡俱廢屬端瀧二州大業初屬信安永熙二
郡唐武德四年立瀧州六年立康州天寶元年康州曰
晉康郡瀧州曰開陽郡五代爲南漢所有皇朝開寶五
年廢康州入端州尋復立六年廢瀧州入晉康州今縣
二

下端溪縣二漢屬蒼梧郡晉立晉康郡唐武德六年立
南康州九年州廢貞觀元年復立十一年又廢十二
年又立更名康州初武德五年析博林置撫納縣後
省入焉稅城鎮本樂城縣隋屬信安郡都城鎮本都

城縣隋屬蒼梧郡故晉康縣本遂安唐至德二載更名三縣皆屬康州皇朝開寶五年並省入端溪有端山西江端溪

下瀧水縣漢端溪縣地梁置開陽平原羅陽三郡隋平陳並廢以名縣屬瀧州開皇十八年改平原縣曰瀧水羅陽縣曰正義大業初以瀧水立永熙郡而省開陽正義入焉唐武德四年立瀧州復置開陽正義正義後省故鎮南縣本安南隋大業初省入永熙唐武德四年析瀧水復置屬南建州貞觀八年改州曰藥

州十八年州廢屬瀧州至德二載更名故安遂縣梁立建州及廣熙郡尋郡廢隋大業初州廢屬永熙郡唐武德四年屬南建州州廢入焉故建水縣本永熙隋屬永熙郡唐武德四年屬南建州五年改爲永寧貞觀十八年屬瀧州天寶元年更名皇朝開寶六年州廢三縣皆省有靈陽山羅田水

下南恩州古百越之地秦屬南海郡一漢屬合浦郡吳屬高興郡晉以後因之齊立齊安郡梁立桂陵陽春二郡隋平陳郡廢屬高州後屬高涼郡唐武德四年立春

州貞觀二十年立恩州天寶元年恩州曰恩平郡春州曰南陵郡五代爲南漢所有皇朝開寶五年廢春州入恩州六年復立熙寧六年又廢入焉慶歷八年加南字今縣二

中陽江縣晉海安縣地屬高興郡隋末置陽江縣唐屬恩州後爲州治焉故恩平縣本齊安立齊安郡隋平陳郡廢屬高州開皇十八年改曰海安唐武德五年復曰齊安貞觀二十三年屬恩州至德二載改曰應平大順二年自西平徙治後又徙陽江故西平縣晉

屬高興郡後省入高涼梁爲高州隋爲高涼郡唐武德五年改曰西平貞觀二十三年以縣立恩州而高州徙良德後州徙治恩平而西平省入焉故杜陵縣梁立杜陵郡隋平陳郡廢屬高州開皇十八年改縣曰杜原唐武德五年復曰杜陵貞觀二十三年來屬皇朝開寶五年省恩平杜陵入陽江有恩平江下陽春縣漢高涼縣地復置陽春縣梁立陽春郡隋平

陳郡廢屬高州唐武德四年平蕭銑立春州天寶元年曰南陵郡皇朝開寶元年州廢來屬六年復立縣

還屬焉大中祥符九年州廢屬新州改曰新奉天禧
四年復立縣又屬焉熙寧六年州廢來屬故銅陵縣
本龍潭宋置後改爲隋屬信安郡唐武德四年屬春
州是年以縣立勤州五年州廢萬歲通天二年復立
長安中復廢開元十八年復立州治富林洞因析銅
陵置富林縣阜朝開寶五年州廢省富林入銅陵屬
春州熙寧六年州廢省入陽春有鸞山漢陽江

下梅州春秋爲七閩地戰國屬越秦屬南海郡漢屬南
越後及東漢屬南海郡晉屬東官郡後又屬義安郡宋

以後因之隋唐屬潮州五代時南漢立敬州皇朝開寶
四年改曰梅州熙寧六年州廢入潮州元豐五年復立
今縣一

中程鄉縣隋屬義安郡唐屬潮州南漢立敬州皇朝曰
梅州州廢屬潮州復立又來屬爲州治有西陽山程
江

下南雄州春秋爲百越地戰國屬楚秦屬南海郡二漢
屬豫章郡吳晉屬始興郡宋改爲廣漢齊復爲始興梁
陳因之隋廢郡屬廣州唐屬韶州五代時南漢立雄州

皇朝加南字今縣二

望保昌縣本滇昌唐光宅元年析始興置屬韶州南漢立雄州皇朝加南字而縣改名有大庾嶺淨水所出龍川界四逕滇陽南右注潦水有樓舡水漢討南越楊僕爲樓舡將軍出豫章下橫浦卽此淨水矣

下始興縣漢南野縣地屬豫章郡吳屬南康郡孫皓分置始興縣屬始興郡晉以後因之齊改曰正階梁復曰始興立安遠郡陳置東衡州隋平陳郡廢屬廣州唐屬韶州皇朝開寶四年來屬有東嶠山卽大庾嶺

在五嶺之最東故曰東嶠有修仁水斜階水齊范雲爲始興太守賦詩云且汲修仁水不飲斜階流

下英州古越地戰國屬楚秦屬南海郡二漢屬桂陽郡吳屬始興郡晉宋以後因之梁又立衡州入楊山郡隋平陳郡並廢改州曰涯州開寶二十年州廢屬韶州唐因之五代時南漢立英州今縣二

望真陽縣本滇陽二漢屬桂林郡晉宋屬始興郡秦始二年改滇爲貞後復爲滇隋省入曲江後復曰真陽唐屬廣州貞觀元年復曰真陽南漢立英州皇朝乾

興元年改曰真陽有臯石山始興江
 上浚光縣本浚滙二漢屬桂陽郡晉宋屬始興郡隋唐
 屬廣州皇朝更名開寶四年隸連州六年來屬有堯
 山白鹿山晉張方為浚滙令有德化感白鹿羣遊因
 以名山有滙水

下惠州古百越地秦屬南海郡二漢吳晉因之成帝以
 後及宋齊屬南海東官二郡隋平陳立循州大業初州
 廢立龍川郡唐武德元年曰循州天寶元年曰海豐郡
 五代時南漢改曰貞州而別立循州於北境皇朝天禧

五年改曰惠州今縣四

中歸善縣漢博羅縣地屬南海郡宋置歸善縣隋立循
 州及龍川郡唐析置龍川縣貞觀元年省入焉南漢
 改曰貞州皇朝改曰惠州有寅山

繁河源縣隋屬循州有新豐縣開皇十八年改曰休吉
 大業初省入焉唐亦屬循州武德五年析置石城縣
 貞觀九年省入南漢屬貞州有龍穴山

中博羅縣二漢屬南海郡晉以後因之隋屬循州唐析
 置羅陽縣貞觀元年省入南海屬貞州有羅浮山

下海豐縣宋置屬東官郡隋屬循州唐武德五年析置
陸安縣貞觀元年省南漢屬貞州

臣吳玉綸恭校

輿地廣記卷三十六

宋

歐

陽

恣

撰

廣南西路

下都督府桂州古百越之地戰國屬楚秦屬桂林郡二
漢屬零陵蒼梧二郡吳甘露元年立始安郡晉因之宋
明帝改為始建國齊復曰始安郡梁兼立桂州隋平陳
郡廢大業初州廢復為始安郡唐武德四年平蕭銑立
桂州天寶元年曰始安郡唐末升靜江軍節度為楚馬
氏所有後入南漢今縣十

興地及言
卷三
緊臨桂縣本始安二漢屬零陵郡吳立始安郡晉以後
因之梁立桂州唐因之貞觀八年更名慕化鎮本慕
化縣唐武德初年置曰純化永貞元年改曰慕化後
改今名皇朝嘉祐六年省有灘山隱山桂江卽灘水
也其源多桂不生雜木有陽江

望興安縣本臨源唐武德四年析始安置屬桂州大歷
四年更名全義石晉開運三年馬希範奏立溥州改
縣爲德昌後復爲全義皇朝乾德中州廢來屬太平
興國三年更今名有陽海山灘水湘水二水皆出一

山而分源南流爲灘北流爲湘漢討南越戈舡下瀨
將軍出零陵下灘水卽此

望靈川縣唐龍朔二年析始安置有冷石山銀江

望陽朔縣隋屬始安郡唐屬桂州有陽朔山灘水

望荔浦縣漢屬蒼梧郡晉宋以後屬始安郡梁屬桂州

唐武德四年立荔州貞觀十二年州廢來屬永寧鎮
故永寧縣皇朝熙寧四年省元祐元年復置紹聖二
年又省有方山荔水

上永福縣唐武德四年析始安置有永福山白石水

中修仁縣本建陵吳置及晉屬蒼梧郡宋來屬始建國
齊梁陳屬始安郡隋屬桂州唐貞觀元年立晏州十
二年州廢來屬長慶元年更名皇朝熙寧四年省爲
鎮入荔浦元豐元年復置有崇仁山駱駝山
中義寧縣有思江

下理定縣本興安隋屬桂州大業初省入始安後復置
唐至德二載更名有蘭林山有靈渠卽灘水故秦史
祿所鑿後廢唐寶歷初觀察使李渤立斗門十八以
通漕俄又廢咸通九年刺史魚孟咸以石爲鑿隄亘

四十里植大木爲斗門至十八重乃通巨舟

下古縣唐乾寧二年析慕化置有長安水

下都督府容州古百越之地秦屬象郡漢屬南越後及
東漢屬合浦郡晉宋以後因之隋爲合浦永平二郡唐
武德四年平蕭銑立銅州貞觀八年改爲容州天寶元
年曰普寧郡五代爲南漢所有升爲寧遠軍節度皇朝
開寶五年廢緇禺順三州入焉今縣三

上普寧縣本漢合浦縣地後廢陰石縣梁立陰石郡隋
廢郡改縣爲奉化屬藤州開皇十九年又改今名唐

分屬容州元和中州自北流徙治於此故繡州本二
漢阿林縣地唐武德四年立陵州六年更名繡州天
寶元年日常林郡皇朝開寶五年州廢又省常林阿
林羅繡三縣入普寧故欣道縣本隋寧人唐貞觀二
十三年更名來屬故涓縣唐武德四年析普寧置開
寶五年並廢入普寧有容江繡江

中北流縣隋置屬合浦郡唐武德四年立銅州貞觀八
年曰容州元和中州徙治普寧故禺州本東峩州唐
乾封四年析白辯實容四州置總章元年更名天寶

元年曰溫水郡皇朝開寶五年州廢及省峩石扶萊
羅辯三縣入北流故陵城縣唐武德四年析北流置
開寶五年省入有句扇山縣南三十里兩石相對中
闊三十步俗號鬼門關漢馬援討林郡經此刻石紀
事龜趺尚存唐李德裕謫崖州過關詩云一去一萬
里千知千不還崖州在何處生度鬼門關

中陸川縣唐屬東峩州唐末來屬故順州順義郡唐大
歷八年析禺羅辯白四州置皇朝開寶五年州廢及
省龍化溫水南河龍豪四縣入陸川有雞籠山龍化

水

下都督府邕州秦屬桂林郡二漢以後屬鬱林郡唐武德四年立南晉州貞觀八年更名天寶元年曰朗寧郡五代爲南漢所有升爲建武軍節度皇朝曰永寧郡今縣二

下宣化縣本漢領方縣地故朗寧縣唐武德五年析宣化置故思籠縣唐乾元後開山洞置一縣開寶五年省入故如和縣唐武德五年析南賓安京置屬欽州景龍二年來屬皇朝景祐二年省入有如和山鬱水

水卽夜郎豚水也與溫水合又與歡水合亦名駱越水自蠻境七源州流出州民常苦之唐景雲中司馬呂仁引渠分流以殺水勢自是無漂溺之害民乃依水而居有邕水

下武緣縣隋屬鬱林郡大業初省入嶺山唐武德五年復置故豐陵縣唐乾元後開山洞置皇朝開寶五年省入故樂昌縣本晉興唐武德五年析宣化置開寶五年更名景祐三年省入有武緣水西有都稜鎮中融州春秋戰國爲百越秦屬桂林郡二漢屬鬱林郡

吳分屬桂林郡晉以後因之隋屬始安郡唐武德四年平蕭銑置融州天寶元年曰融水郡五代爲南漢所有皇朝政和三年升爲清遠軍節度今縣一

中融水縣本潭中縣地二漢屬鬱林郡齊置齊熙縣及郡宋寧州隋改州曰融州改縣曰義熙後州廢以縣屬始安郡唐復立融州武德六年縣更名武陽鎮本武陽縣唐天寶初併黃水臨特二縣更置皇朝熙寧七年省爲鎮羅城鎮本羅城縣開寶五年分桂州置熙寧七年省爲鎮

下象州古百越之地秦屬桂林郡二漢屬鬱林郡吳屬桂林郡晉宋齊因之陳置象州因象山爲名隋平陳因之煬帝廢屬始安郡唐武德四年立象州天寶元年曰象郡五代爲楚馬氏所有後入南漢皇朝開寶七年廢嚴州入焉今縣三

中下陽壽縣本漢潭中縣地吳分立桂林郡後又立象郡及置陽壽縣隋屬始安郡唐武德四年析桂林置武德縣仍於縣立象州貞觀十三年州徙治武化天寶元年省武德入陽壽大歷十一年州徙治焉故武

化縣唐武德四年省建陵置屬桂州後屬晏州貞觀十三年州廢來屬五代時省有象山陽水

中下來賓縣唐乾封二年招致生獠以秦故桂林郡地置及立巖州又置歸化縣皇朝開寶七年州廢省歸化入來賓來屬有大江

下武仙縣唐武德四年析桂林置乾封元年省桂林入焉有仙人山鬱水

下賀州秦屬南海郡二漢屬蒼梧郡吳分立臨賀郡晉因之宋改爲臨慶國齊復爲臨賀郡梁陳因之隋平陳

郡廢置賀州大業初州廢屬始安郡唐武德四年平蕭銑立賓州天寶元年曰臨賀郡五代爲楚馬氏所有後入南漢今縣三

緊臨賀縣二漢屬蒼梧郡吳立臨賀郡宋爲臨慶國隋立賀州大業初州廢省臨賀入富川唐武德四年復置爲州治故封陽及馮乘蕩山三縣唐屬賀州皇朝開寶四年省入有臨賀山有臨水南流左合賀水縣對二水之會故取名焉臨水又西南逕封陽爲封溪水又西南逕廣信而南注鬱水

上富川縣二漢屬蒼梧郡吳以後屬臨賀郡隋屬賀州唐因之天寶中更名富水後復故名故馮乘縣唐屬賀州皇朝開寶四年省入有秦山富水

中桂嶺縣本建興吳置屬臨賀郡晉太康元年改爲興安隋開皇十八年更今名屬熙平郡唐武德四年來屬有桂嶺

下昭州秦屬桂林郡二漢屬蒼梧郡吳晉屬始安郡宋屬始建國齊以後復屬始安郡隋屬桂州唐武德四年平蕭銑立樂州貞觀八年改爲昭州取昭潭爲名天寶

元年曰平樂郡五代時爲楚馬氏所有後入南漢皇朝開寶五年廢富川熙寧五年廢象州皆入焉今縣三

中平樂縣本漢荔浦縣地屬蒼梧郡吳分置平樂縣屬始安郡晉因之宋屬始建國齊以後復屬始安郡唐立樂州改曰昭州故永平縣唐屬昭州皇朝開寶五年省入有目巖山其巖如人目童子黑白分明

中立山縣本漢荔浦縣地隋置隋化唐武德五年更名立南恭州貞觀八年改曰蒙州天寶元年曰蒙山郡皇朝熙寧五年州廢以縣來屬初唐武德中析置東

區純義二縣屬蒙州永貞元年改純義曰正義皇朝
太平興國中改正義曰蒙山熙寧五年省東區蒙山
入立山有東區山蒙江

中龍平縣本漢臨賀縣地屬蒼梧郡後置龍平縣屬始
安郡唐武德四年立靜州貞觀八年改爲雷州天寶
元年曰開江縣皇朝開寶五年州廢以縣來屬熙寧
八年屬梧州元豐三年復來屬初梁置開江縣隋省
入豪靜唐復置屬梧州又屬柳州天寶後置思勤縣
長慶二年改開江曰馬江開寶五年二縣皆省入有

富豪山

下梧州古百越之地秦屬桂林郡漢屬南越以同姓趙
光爲蒼梧秦王漢兵誅南越光降爲隨桃侯元鼎六年
以其地立蒼梧郡東漢建安八年立交州牧治此十五
年徙治番禺晉宋齊梁陳爲蒼梧郡隋平陳郡廢屬封
州後屬蒼梧郡唐武德四年平蕭銑立梧州天寶元年
曰蒼梧郡五代爲楚馬氏所有後入南漢今縣一
下蒼梧縣本漢廣信縣爲蒼梧郡治東漢以後因之隋
平陳郡廢改廣信爲蒼梧縣唐立梧州貞觀十二年

省豪靜入焉猛陵鎮本猛陵縣漢屬蒼梧郡東漢以後因之隋屬始安郡大業初省入豪靜後蕭銜復置屬藤州唐貞觀八年來屬更名戎城鎮本戎城縣梁置曰遂成隋更名屬藤州唐永徽中來屬皇朝開寶五年二縣皆省入六年復置戎城熙寧四年又省有大桂江始安江

下藤州古百越之地秦屬南海郡漢屬蒼梧郡東漢晉因之穆帝分立永平郡宋齊以後因之隋平陳廢立藤州大業初州廢立永平郡唐武德四年曰藤州天寶元

年曰威義郡五代時爲南漢所有皇朝熙寧四年廢南
儀州入焉今縣二

中鐔津縣本漢猛陵縣地隋屬藤州初州治永平無鐔
津又有隋安賀川寧人等縣皆貞觀後省併更置鐔
津爲州治以寧人屬容州永平屬昭州故寧風縣唐
武德五年以縣立鸞州貞觀三年徙治安長恭七年更
名泰州徙治安風八年徙治安基復爲鸞州十八年
州廢以寧風來屬故威義縣本淳民隋置唐武德中
更名故昌義縣本安昌唐至德二載更名皇朝開寶

五年省寧風感義義昌三縣入鐔津有鉛穴山鐔江
漳江

上下岑溪縣本漢猛陵縣地隋屬永熙郡唐武德五年
以永業縣地立南義州及置龍城縣後廢置不常第
名義州天寶元年曰連城郡至德中改龍城爲岑溪
皇朝開寶三年州復曰南義州五年廢入寶州六年
復置太平興國中改曰南儀熙寧四年廢以岑溪來
屬故永業縣本安義唐至德四年更名故連城縣武
德五年析正義置開寶六年并省入岑溪

下龔州古百越之地秦屬桂林郡二漢吳晉屬蒼梧郡
穆帝以後分屬永平郡後因之唐貞觀七年以焉州故
治立龔州天寶元年曰臨江郡五代爲南漢所有皇朝
開寶五年廢思明州入焉今縣一

中下平南縣本漢益陵縣地唐貞觀七年置後自武陵
徙州治此故陽川縣今陽建後更名故武陵縣隋屬
藤州唐武德七年來屬故隋建縣隋屬藤州貞觀十
二年來屬故大同縣貞觀七年置皇朝開寶六年四
縣皆省入平南故武郎縣唐永隆二年析龔蒙象三

州立思唐州及置武郎平原二縣長慶三年改平原曰思和石晉天福初改州曰思化漢初復舊開寶五年改州曰思明六年州廢省思和入武郎來屬嘉祐二年省武郎入平南有石鷲山龔江

下潯州古百越之地秦屬桂林郡漢以後屬鬱林郡隋屬永平鬱林二郡唐立潯州後廢屬龔州後復置天寶元年曰潯江部五代爲南漢所有今縣一

下桂平縣本漢布山縣地鬱林郡所治也後分置桂平縣梁立桂平郡隋屬鬱林郡唐屬鸞州後立潯州故

大賓縣隋屬永平郡唐屬鸞州後來屬五代時省焉故阜化縣本漢阿林縣地隋置後省入桂平唐武德四年復置繡州貞觀七年來屬皇朝開寶五年省入桂平有潯江鬱江

下貴州古西甌駱越之地秦屬桂林郡徙謫人居之漢屬鬱林郡東漢以後因之隋開皇初郡廢屬尹州大業初屬鬱林郡唐武德四年平蕭銑立南尹州貞觀九年改爲貴州天寶元年曰懷澤郡五代爲南漢所有今縣

輿地廣記 卷三
下鬱林縣本漢廣鬱縣地屬鬱林郡谷永爲太守降烏
滄一萬人置七縣卽此地也晉改爲鬱平縣宋齊以
後因之唐置南尹州後曰貴州皇朝開寶四年改曰
鬱林故懷澤縣宋置隋省唐復置故潮水縣唐置故
義山縣本馬嶺唐武德四年改曰馬度貞觀後省天
寶後復置更名皇朝開寶五年省三縣入鬱林有馬
度山南山鬱江

下柳州古百越之地秦以後地理與象州同唐平蕭銑
立昆州是年改曰南昆州貞觀八年又以地當柳星更

名天寶元年曰龍城郡五代爲南漢所有今縣三

中馬平縣本漢潭中縣地屬鬱林郡吳分屬桂林郡後
置馬平縣及郡隋廢郡入象州後州廢屬始定郡唐
立昆州後改曰柳州有柳江羅池唐柳宗元貶爲刺
史死三年神降於州之後堂部將歐陽翼等見而拜
之其夕夢翼而告曰館我於羅池卽此地

中洛容縣唐貞觀中置故象縣隋屬始安郡唐屬桂州
後來屬皇朝嘉祐四年省入有洛青山

中柳城縣本龍城梁置隋屬始安郡唐武德四年立龍

興地廣記
州并置柳嶺縣貞觀七年州廢省柳嶺以龍城來屬
皇朝景德三年改曰柳城有龍江潯江

臣吳玉綸恭校

興地廣記卷三十七

宋 歐陽忞 撰

廣南西路下

下宜州秦屬象郡後復沒於蠻夷唐開置粵州乾封中
更名天寶元年曰龍水郡五代時爲楚馬氏所有後入
南漢皇朝慶歷三年廢芝州入焉今縣五

上龍水縣唐與州同置崖山東鹽等縣後皆省故洛曹
縣本洛封唐屬柳州元和十三年更名皇朝淳化元
年來屬後改曰洛下嘉祐七年省入龍水有宜江龍

江

中下忻城縣唐置及立芝州治此後爲羈縻州皇朝慶
歷三年廢州以縣來屬

下天河縣唐與州同置有溪江

下思恩縣唐貞觀十二年開生蠻與環州同置屬焉後
州沒於蠻夷皇朝熙寧八年以縣來屬

下河池縣本屬羈縻智州皇朝治平三年來屬

下賓州秦屬桂林郡自漢至齊屬鬱林郡梁立領方郡
隋屬鬱林郡唐武德四年屬南方州貞觀三年立賓州

天寶元年曰安城郡五代爲南漢所有皇朝開寶五年

州廢入邕州六年復立端拱三年以澄州入焉今縣三

下嶺方縣二漢屬鬱林郡晉宋以後因之梁立領方郡

唐立賓州皇朝開寶五年屬邕州六年復爲賓州治

故琅邪縣故保城縣本安城至德二載更名屬賓州

開寶五年並屬邕州六年皆省入焉有古漏山賓水

中遷江縣本思剛州唐爲羈縻州隸邕州都督府皇朝

天禧四年廢爲遷江縣來屬有都泥山賀水

中下上林縣唐武德四年析嶺方置及立南方州貞觀

八年改曰澄州天寶元年曰賀水郡皇朝開寶五年州廢以縣屬邕州端拱三年來屬故止戈無虞二縣與上林同道屬澄州故賀水縣武德四年析馬平置屬柳州八年屬澄州開寶五年皆省入上林有上林洞都澧水

下橫州春秋戰國為駱越之地秦屬桂林郡漢屬鬱林合浦二郡吳立寧浦郡晉宋齊因之梁立簡陽郡隋平陳二郡並廢立簡州開皇十八年改為緣州大業二年廢屬鬱林郡唐武德四年立簡州六年改曰南簡州貞

觀八年更名橫州天寶元年曰寧浦郡五代為南漢所有皇朝開寶五年廢蠻州入焉今縣二

下寧肅縣本漢廣鬱縣地吳分置寧浦縣及立郡晉以後因之梁分立簡陽郡隋立簡州改為緣州唐為南簡州改為橫州故從化縣本淳風武德四年分寧浦置貞觀元年更名故樂山縣本漢原縣地屬合浦郡梁立樂陽郡隋平陳郡廢為樂陽縣屬原州開皇十八年更名唐武德四年來屬皇朝開寶二年並省入寧浦

下永定縣唐武德四年立淳州及置永定武羅靈竹三縣而州治永定天寶元年曰永定郡永貞元年曰蠻州皇朝開寶五年州廢省武羅靈竹二縣入永定來屬熙寧四年省永定入寧浦元祐三年復置

下化州古百越之地秦屬象郡漢屬南越後及東漢屬合浦郡吳屬高興郡晉以後屬高涼郡梁復高興隋平陳郡廢屬羅州大業初州廢屬高涼郡唐武德五年屬羅州六年立南石州貞觀九年改爲辯州天寶元年曰陵水郡天祐元年朱全忠以辯汴聲近更名勳州後復

故五代爲南漢所有皇朝開寶五年廢羅州入焉太平興國五年改曰化州今縣一

下石龍縣本漢高涼縣地屬合浦郡皇朝改曰化州故陵羅龍化二縣與石龍同置開寶五年省入焉有陸水羅水

中吳川縣隋屬高涼郡唐屬羅州皇朝開寶五年州廢以吳川來屬故廉江縣本石城昔宋將檀道濟於陵羅江口築石城立羅州梁陳因之唐天寶元年更名故幹水縣本石龍唐改曰招義又改曰幹水零綠鎮

本零緣縣三縣皆屬羅州招義郡開寶五年州廢晉省屬吳川

下高州古百越之地秦屬南海郡漢屬南越東漢屬合浦蒼梧二郡吳立高涼郡晉以後因之梁兼立高州隋平陳郡廢大業初州廢復立高涼郡唐武德六年立高州本治高涼貞觀二十二年徙治良德天寶元年置高涼郡大歷十一年徙治電白五代爲南漢所有皇朝開寶五年廢潘州熙寧四年廢寶州皆入焉今縣三下電白縣梁立電白郡隋廢屬高州唐大歷中州自良

德徙治此故良德本務德陳置後更名隋屬永熙郡唐武德中來屬貞觀中州自高涼徙治此而高涼更名西平分屬恩州故保寧縣本連江梁立連江郡隋平陳郡廢屬高州唐開元五年改曰保安至德二載更名皇朝開寶三年皆省入焉有高涼山

中下信宜縣本信義唐武德二年析懷德置而自懷德徙南扶州治焉貞觀元年州廢屬龍州二年復置五年又廢屬隴州六年復置八年更名寶州天寶元年曰懷德郡皇朝太平興國元年改縣曰信宜熙寧四

年州廢來屬故懷德縣本漢端溪縣所屬蒼梧郡梁
置梁德縣及永德郡隋平陳郡廢開皇十八年改縣
曰懷德屬隴州大業初屬永熙郡唐武德四年立南
扶州後徙治信義故潭峨縣武德四年置故亮縣五
年置皇朝開寶六年三縣皆省入信宜有潭峨山信
義水

下茂名縣西甌之地後置茂名縣屬高興郡隋屬高州
唐貞觀元年屬南宕州八年改州曰潘州後自定川
徙州治此後州廢屬高山永徽元年立天寶元年曰

南潘郡皇朝開寶五年廢州省南巴潘水二縣入茂
名來屬

下雷州古百越之地秦象郡地二漢以後屬合浦郡梁
分立合州大同末以合淝爲合州以此爲南合州隋平
陳復爲合州大業初州廢屬合浦郡唐武德五年復立
南合州貞觀元年改爲東合州八年又更今名天寶元
年曰海康郡五代爲南漢所有今縣一

下海康縣本漢徐聞縣地屬合浦郡梁立南合州隋爲
合州置海康縣唐復爲南合州改曰雷州故遂溪縣

本隋鐵把椹川二縣屬合浦郡唐武德四年來屬後
併省更名故徐聞縣本隋康唐貞觀二年更名皇朝
開寶四年皆省入有擎雷山擎雷水

下欽州古百越之地秦屬象郡漢以後屬合浦郡宋立
宋壽郡齊以後因之梁兼立安州隋平陳郡廢開皇十
八年改州曰欽州大業初州廢立寧越郡唐武德四年
改曰欽州天寶元年曰寧越郡五代爲南漢所有今縣
二

望靈山縣本漢合浦縣地隋開皇十八年置南賓縣唐

貞觀十年更名後自欽江徙州治此皇朝開寶五年
省欽江遵化內亭三縣入焉

下安遠縣本安京舊置安京郡隋平陳郡廢屬欽州唐
至德二載改曰保京後復曰安京皇朝景德三年改
曰安遠有安京山如洪水

下鬱林州古蠻夷之地春秋戰國爲西甌秦立桂林郡
後爲南越尉佗所并漢以後屬合浦鬱林二郡隋平陳
郡廢屬尹越二州大業初復屬合浦鬱林二郡唐立牢
黨鬱林三州天寶元年爲定州寧仁鬱林三郡五代皆

為南漢所有皇朝開寶七年廢黨牢二州政和元年廢
原皆入焉今縣三

中下南流縣本隋北流縣地屬合浦郡唐屬牢州為州
治焉皇朝開寶七年廢州省定川安川二縣入南流
來屬而自鬱林縣徙州治此故撫安縣本西甌之地
唐永淳元年開古黨洞立黨州并置撫安善勞善文
寧仁安仁懷義福陽古符八縣二年析安仁以下曰
鎮立平琴州垂拱三年州廢神龍元年復置天寶元
年黨州曰寧仁郡平琴州曰平琴郡至德中更安仁

曰容山後廢平琴州入黨州後又省善文寧仁福陽
古符四縣開寶七年廢黨州省撫安善勞文山懷義
入南流有大龍山平江

下興業縣本石南縣地梁置石南郡隋屬鬱林郡唐貞
觀中屬貴州麟德二年以石南立鬱州乾封元年更
名鬱林州而析石南置興業縣後州徙治鬱林而省
石南入興業後又徙治興業皇朝開寶五年省鬱林
興德二縣入焉

中博白縣本漢合浦縣地唐武德四年析立南州兼置

博白周羅建興等縣而州治博白六年更名白州天寶元年曰南昌郡皇朝開寶五年廢白州省周羅建寧南昌三縣入博白屬廉州七年復立政和元年又廢以博白來屬有鍾山博白溪

下廉州古百越之地秦屬象郡漢屬合浦郡東漢因之吳改曰珠官郡晉復曰合浦宋分立臨漳郡兼立越州齊梁陳因之隋平陳郡廢大業初改州曰祿州尋改爲合州又廢而立合浦郡唐武德四年立越州貞觀八年改名天寶元年曰合浦郡五代爲南漢所有皇朝太平

興國八年廢爲太平軍咸平元年復立今縣二

上合浦縣漢立合浦郡吳曰珠官郡晉復爲合浦郡宋兼立越州時州始立以西江督護陳伯紹爲刺史鑿山爲城門以威服俚獠齊梁陳因之隋廢大業初復立唐爲越州貞觀中改爲廉州以本大廉洞地皇朝開寶五年省封山蔡龍大廉三縣入合浦太平興國八年省合浦入石康咸平元年復置故封山蔡龍唐武德五年置屬姜州貞觀十年來屬故大廉縣武德五年分合浦置有糠頭山昔南越王佗屯軍於此春

穀積糠如山有廉江瘴江一名合浦有珠母海郡人採珠之所東漢時郡政煩苛珠徙交趾孟伯周爲守有惠化去珠復還

下石康縣本常樂州南漢立及置博電零綠鹽場三縣皇朝開寶五年廢州省縣以其地置石康縣來屬

下瓊州漢珠崖縣地自合浦徐聞南入海得大州東西南北方千里武帝元封元年略以爲儋耳珠崖郡自初爲郡縣吏卒中國人多侵陵之故率數歲一反昭帝廢儋耳併珠崖元帝用賈捐之言又棄珠崖郡東漢置珠

崖縣屬合浦郡炎赤烏五年復立珠崖郡晉平吳郡廢入合浦後復立珠崖郡梁兼立崖州隋陳因之唐貞觀五年析崖州立瓊州天寶元年曰瓊山郡自乾封後沒於山洞蠻貞元五年嶺南節度使李復討平之五代爲南漢所有今縣五

中瓊山縣隋末置屬崖州唐貞觀五年立瓊州十三年析置曾口顏羅容瓊三縣貞元七年省容瓊入焉五代時省曾口顏羅故舍城縣隋末置唐武德四年立崖州皇朝開寶五年州廢以縣來屬熙寧四年省入

瓊山自縣北渡海便風揚帆一日夜至雷州有瓊山
中澄邁縣隋屬珠崖郡唐屬崖州皇朝開寶五年來屬
有澄邁山

下文昌縣本平昌唐武德五年置隸崖州貞觀元年更
名皇朝開寶五年來屬

下臨高縣本臨機唐初隸崖州貞觀五年來屬開元元
年更名

下樂會縣唐顯慶五年置

同下州昌化軍漢屬珠崖郡梁兼入崖州隋以為珠崖

郡治焉唐武德五年立儋州天寶元年曰昌化郡五代

為南漢所有皇朝熙寧六年廢州為昌化軍今縣三

下宜倫縣本義倫隋為珠崖郡治唐立儋州州城即漢

儋耳郡城也皇朝太平興國元年改義倫曰宜倫有

毗耶山昭山倫江

下昌化縣隋屬珠崖郡唐武德五年來屬皇朝熙寧六

年省為鎮入宜倫元豐三年復置有昌化石極為靈

異祈禱多應有南崖山

下感恩縣隋屬珠崖郡唐武德五年來屬皇朝熙寧六

年省爲鎮入宜倫元豐四年復置有感勞山瀟龍江故富羅縣本毗善隋屬珠崖郡唐武德五年更名來屬南漢省之故洛陽縣唐乾元復置皇朝省之

同下州萬安軍隋珠崖郡地唐貞觀五年屬瓊州十三年屬崖州龍朔二年立萬安州天寶元年曰萬安郡至德二年更名萬全郡後復故名五代爲南漢所有皇朝熙寧七年廢州爲萬安軍今縣二

下萬寧縣本萬安唐貞觀五年析交昌置屬萬安州開元九年州徙治陵水至德二年曰萬全貞元二年州

復徙治此後復故名皇朝改爲萬寧有赤龍山金仙水

下陵水縣唐置本隸振州後來屬皇朝熙寧七年省爲鎮入萬安元豐三年復置有靈山陵柵水故富雲博遼二縣唐貞觀五年置南漢皆省之

同下州朱崖軍隋珠崖郡地唐武德五年立振州臨振郡又曰寧遠郡天寶元年曰延德郡五代爲南漢所有皇朝開寶五年改爲崖州熙寧六年廢州爲朱崖軍今鎮二

臨川鎮本臨川縣隋末置

藤橋鎮初唐振州鎮寧遠延德吉陽臨川落屯五縣南

漢時省延德臨川落屯三縣熙寧六年省寧遠吉陽

二縣為臨川藤橋二鎮焉

臣吳玉綸恭校

輿地廣記卷三十八

宋 歐陽忞 撰

廣南路化外州

安南大都督護府古駱越之地秦屬象郡漢屬南越元

鼎六年立交趾郡東漢建安八年兼立交州治龍編十

五年徙治蒼梧之廣信十六年又徙南海之番禺尋復

治龍編吳分立武平郡晉因之宋又分立宋平郡齊以

後因之隋平陳三郡並廢大業初州廢復立交趾郡唐

武德五年曰交州調露元年曰安南都護府至德二載

改曰鎮南大歷三年復安南領縣七

上宋平縣宋置及立郡隋平陳郡廢屬交州大業初州廢立交趾郡唐武德四年立宋州六年曰南宋州貞觀元年州廢來屬寶歷元年府自交趾徙治此故定南縣唐武德四年析宋平置隸象州五年來屬後省中下太平縣本隆平唐武德四年置以縣立隆州六年曰南隆州貞觀元年州廢來屬先天元年更名

中下交趾縣本漢羸樓縣地高帝立南侯職爲南海王居此武帝以爲交趾郡治焉隋置交趾縣後省唐武

德五年立慈州並置慈廉烏延武立三縣貞觀元年州廢省三縣更置杜佑云今南方夷人其足大指開廣皆並足而立其指交故名

上朱鳶縣漢屬交趾郡晉以後因之隋屬交州唐武德四年立鳶州並置高涼安定二縣貞觀元年州廢省二縣以朱鳶來屬故勾漏縣漢晉屬交趾郡產丹砂葛洪乞爲勾漏令以求丹砂卽此交州記云有潛水牛上岸共鬪用軟還復生後縣省

中下龍編縣漢屬交趾郡初置縣城有交龍盤編於南

北二津之間因取名焉東漢自羸樓移郡治此兼立
交州晉以後因之隋屬交趾郡唐武德四年立龍州
并置武寧中樂二縣貞觀元年州廢省二縣以龍編
屬仙州州廢來屬

中下平道縣自未爲郡縣時其地有雒田隨海潮上下
民墾食其田因名爲雒民君長曰雒王臣佐曰雒侯
設諸雒將後蜀王子討雒王滅之自稱安陽王居此
後南越王佗舉衆攻安陽王王有神弩一發殺三百
人南越知安陽不可克乃遣太子始詐降而事之王

女曰眉珠私與始通始令眉珠取神弩視之則竊以
鋸截弩逃歸報南越進兵攻安陽王王遂敗亡入海
其地并於南越有王宮城故基在焉東漢爲封溪縣
地屬交趾郡晉屬武平郡齊置昌國縣梁陳因之隋
更名屬交州唐武德四年立道州並置昌國縣六年
曰南道州是年更名仙州貞觀七年州廢省昌國以
平道來屬

中下武平縣本東漢封溪縣地吳置武寧縣及立武平
郡晉以後因之後改縣曰武定隋屬交州開皇十八

年改縣曰隆平唐武德四年改曰武平隸道州五年
來屬

下都督峯州古文朗國亦陸梁地秦屬象郡漢屬南越
後及東漢屬交趾郡吳分立新興郡晉武帝改曰新昌
郡宋齊梁陳因之陳兼立興州隋平陳郡廢開皇十八
年改曰峯州大業初州廢唐武德四年復立峯州天寶
元年曰承化郡領縣五

下嘉寧縣本漢麗冷縣地東漢分屬封溪吳分置嘉寧
縣屬新興郡晉武帝改郡曰新昌後以嘉寧爲郡治

焉宋以後因之陳兼立興州隋平陳郡廢開皇十八
年改州曰峯州大業初州廢屬交趾郡唐復立峯州
初東漢建武中朱鳶雒將子名詩娶麗冷雒將女徵
側爲妻側爲人有膽勇將詩起兵攻破郡縣徵側爲
王治麗冷得交趾九真二郡光武遣伏波將軍馬援
討之側詩走金溪中平二年乃克於是置封溪縣吳
晉因之屬武平郡後省隋末復置唐武德四年來屬
貞觀元年省入嘉寧

下承化縣

下新昌縣舊屬新昌郡隋屬交趾郡唐武德四年來屬
下嵩山縣唐元和後置

下朱綠縣唐元和後置

望瀼州隋大將軍劉方始開北路置鎮守尋廢不通唐
貞觀中清平公李宏節尋劉方故道開置瀼州以達交
趾今州在鬱林之西南交趾之東北天寶元年曰臨潭
郡領縣四

下瀼江縣

下波零縣

下鵠山縣

下宏遠縣貞元後沒於蠻夷州縣名存而已

下巖州唐調露二年析橫貴二州立以巖崗之北因爲
名天寶元年曰樂寧郡領縣四

下常樂縣本安樂蕭銑分興德置貞觀元年省乾封元
年復置屬鬱林州永隆元年來屬至德二載更名

下恩封縣本伏龍洞當牢白二州之境調露二年與高
城石巖同置

下高城縣以高城水爲名

下石巖縣

下田州唐開元中開蠻洞立天寶元年曰橫山郡領縣

五

下都救縣

下惠佳縣

下武龍縣

下橫山縣

下如賴縣皆與州同置

下愛州秦象郡地漢屬南越元鼎六年立九真郡東漢

以後因之梁兼立愛州隋平陳郡廢大業初州廢復立

九真郡唐武德五年復為愛州天寶元年曰九真郡領

縣五

下九真縣梁立愛州陳因之隋立九真郡治此唐復立

愛州縣省

下安順縣本常樂晉屬九真郡隋更名唐武德五年立

順州并析置東河建昌邊河三縣貞觀元年州廢省

三縣入安順來屬

下崇平縣舊曰高安隋開皇十八年改曰隆安屬九真

郡唐武德五年立安州并置教山建道都握三縣又置山州并置岡山真潤古安西安建初五縣貞觀元年廢安州省教山建道都握入隆安來屬又廢山州省岡山真潤古安西安入建初來屬八年省建初先天元年更隆安曰崇安至德二載又更名

下日南縣本漢居風縣地屬九真郡吳改曰移風後析置日南縣隋屬九真唐武德五年立積州并置積善津梧方載三縣又以移風縣立前真州并置九臯建正真寧三縣又以胥浦縣立胥州并置攀龍如侯博

犢鎮星四縣九年更積州曰南陵州貞觀元年曰後真州是年廢前真州省九臯建正真寧以移風隸南陵州又廢胥州省攀龍如侯博犢鎮星以胥浦隸南陵州十年州亦廢以軍安日南胥浦來屬天寶中省移風胥浦漢晉九真郡治胥浦後治移風義熙九年交州刺史杜慧度造九真水口與林邑王范胡達戰禽斬胡達二子虜獲百餘人胡達退五月慧度自九真水歷都粟浦復襲九真長圍跨山重柵斷浦驅象前鋒接刃城下連日交戰津梧晉屬九真郡後省唐

復置後又省有居風山山上有風門常有風山有金牛往往夜見照耀十里時鬪則海水沸溢

下長林縣本無編二漢屬九真郡晉省之唐復置後更名漢西平縣故城在縣東

下驩州古越裳氏之國重九譯者也秦屬象郡漢屬九真郡吳分立九德郡晉宋齊因之梁立德州隋改曰驩州大業初州廢立日南郡唐武德五年立南德州八年曰德州貞觀元年更名天寶元年曰日南郡領縣四
中下九德縣古越裳氏之國也周時獻白雉於成王秦

屬象郡二漢屬九真郡其地為

原

舉所居子寶網孫

黨相代而立黨服從吳化於是孫皓改置九德郡及九德縣晉以後因之梁立德州隋曰驩州唐武德五年置安遠曇羅光安三縣是年以光安置源州又置水源安銀河龍長江四縣貞觀八年更名阿州十三年州廢省水源河龍長江以光安安銀來屬

下浦陽縣晉屬九德郡隋屬象郡唐屬驩州

下越裳縣隋屬日南郡唐武德五年置明州并置萬安明宏明定三縣又以日南郡之文谷金寧二縣置智

州并置新鎮闔負二縣貞觀元年更曰南智州省新鎮闔員十三年廢明州省萬安明宏明定入越裳隸智州後廢智州省文谷金寧入越裳來屬

下懷驩縣本咸驩二漢屬九真郡晉屬九德郡隋屬日南郡唐武德五年立驩州并置安人扶演相景西源四縣治安人貞觀元年更名演州十三年省相景十六年州廢省安人扶演西源以咸驩來屬後更咸驩曰懷驩

下陸州秦屬象郡漢屬交趾郡晉宋齊因之梁立黃州及寧海郡隋平陳郡廢改黃州曰玉州大業初州廢入寧越郡唐武德五年立玉山州貞觀二年州廢入欽州高宗上元二年復立更名陸州天寶元年曰玉山郡領縣三

下烏雷縣唐曰安海徙陸州治此

下華清縣本玉山隋大業初省入安海唐復置天寶中更名

下寧海縣本安平梁置及立黃州寧海郡隋改州爲玉州改縣曰安海唐立玉州後徙治烏雷改曰陸州至

德二載改縣曰寧海

下福祿州自隋以前地理與福祿郡同總章二年智州刺史謝法成招慰生獠昆明北樓等七千餘落以故唐林州地立福祿州以處之或為福祿郡至德二載更郡曰唐林領縣八

下龍汜縣

下饒勉縣

下思恩縣

下武石縣

下銅蔡縣
下歌良縣
下長山縣
下其常縣以上皆與州同置

下湯州本秦象郡地唐立領縣三

下湯泉縣

下綠水縣

下羅韶縣以上皆與州同置

下濱州歷代地理與驩州同唐武德五年立驩州貞觀

九年改爲濱州而別立驩州十六年州廢入驩州廣德

二年析驩州復立本忠義郡亦曰龍池郡又曰濱水郡

領縣二

下忠義縣

下龍池縣



臣吳玉綸恭校

程